
	3472	kal. komp.
	III. Mag. St. Dr. P	

io. Jagell.
Ord.

1706. 21 Aprilis

Czarnawski Joannis Raphaëlis. Desideria eru-
ditæ Palladis ac unius huiusmodi cursum pro-
vecta.

Pocyna 2908



DESIDERIA

ERV DITÆ PALLADIS. 184.

Ad vnius Lustrī cursum

P R O V E C T A.

G R A T I A

Illustrissimi & Reverendissimi Domini,

D. CASIMIRI

à L V B N A

LUBIENSKI

DEI, & Sanctæ Sedis Apostolicæ gratiâ

Episcopi Chelmenfis, Abbatæ Czervenenfis perpetui, ac

Sede vacante Episcopatus Cracoviensis, nec non Duca-

tus Severiensis, Generalis, ADMINISTRATORIS

TOTIVSQVE PERAVGVSTI CAPITVLI CRACOVIENSIS,

VV. XXVIII. Virorum Secundæ Laureæ Candidatorum;

D V M

In Alma Vniversitate Cracoviensi,

PER MAGNIFICVM DOMINVM RECTOREM

Delegatâ Sibi Potestate

à

Perillustri & Reverendissimo Domino,

D. M. SEBASTIANO

PISKORSKI,

I. V. Doctore & Professore, Ecclesiæ Cathedralis Cracov: & Collegia-
tæ Vielun: Canonico, Studij Generalis Crac: dignissimo Procancellario:

In Amplissimo Magnorum Hospitum confessu,

Magisterij in Artibus liberalibus & in Phil: Doctoratus Licentiâ
ritè consequerentur:

Symbolicis votis

E X P R E S S A

& in fraterni amoris gratulationisq; contestationem,

IOANNE RAPHAELE CZARNAWSKI

H. C E L E B R A T A.

Anno Desideratæ salutis 1706. Die 21. Aprilis.

Typis NICOLAI ALEXANDRI SCHEDEL S. R. M. Ordinis Typogro

185. In Arma Gentilitia
ILLVSTRISSIMÆ DOMVS
CZERMINSCIANÆ



Hoc CAPVT emerita Patriæ quod fronte laborat,
Arcanum superis & meditatur opus;
Appensô multis vincitur honoribus Orbe,
Hoc Tituli, hoc Fasces, Infula, Mitra petunt.
Nostris propitium Musis dignetur haberi,
Auspicium agnoscent inde venire suum.

ILLVSTRISSIMO
& REVERENDISSIMO DOMINO

D. L U C Æ

à CZERMIN

CZERMINSKI

Præposito Vicario in Spiritualibus
& Officiali Generali Premysliensi,
Gnesnensi, Cracoviensi, Canonico,
Abbatiae Copriunicensis
ADMINISTRATORI:

Domino & Mæcenati Amplissimo.



Hoc unum desiderijs nostris intercessit
optatissimum: quod Tu, inter vota
honorum positus, in mentis ad lau-
reas anhelantis lenimentum, occurreris.
Illustrissime & Reverendissime Domine. Quo-
cunque enim magnitudinem nominis Tui cir-
cumducis ubique inter desideria omniū versa-
ris; illos, postquam maiori famâ quàm ac-
ceperint, impleveris, ampliora ut Tibi optent,
facis. Nam sive Te ab alto Honores pro-
spiciunt, sive Nomina Titulique advertunt t

iam tantâ virtutis tuæ acceduntur cupiditate,
ut panè involare in sinum, in humeros de-
scendere, & adhuc de Capite Tuo, de pectore,
de manu, dimicare videantur. Amplissimum
est de meritis tuis honorum Iudicium, cla-
ra illorum de Te cogitatio; quod Premysliæ
Eminentem supra minora, ampla tamen No-
mina Præpositum statuerint. Diffudit ultra
Maiestatem Tuam, & Vicariam Diæcesis
totius commisit Curam: quæ non officia præ-
stitit? ut Tu Officialis: quæ non vota omni-
um concessit? ut Generalis dicereris. Labo-
ravit Iustitia, & ipsa decreta huc videbatur
dirigere, edicta scribere, & omnibus diem dice-
re, nisi Tu subsellium suum occupares. So-
la scelera obniti visa sunt, quibus nulla a-
pud Te conniventia futura erat. Iam primo
Iudicio diminuta Capite, integritatem Tu-
am profitebantur, damnata carceribus, liber-
tatem non arctatam, dissimulatione, ostende-
bant. Iam vero præter Te, si respicis CZER-
MINSCIOS tales videbis, qualem fama, honor,
nosq; Te admiramur. Non coarctabo hîc
Scipiones, Camillos, Nomina, quæ partim
Polono ab Eridano, LUBOMIRSCIO inquam
influunt SRENIAVA, partim quæ TARLOVIA-
NA effinxit Ascia, BRANICCIA peperit LVCINA.
Sufficiet, si datum rebus Poloniæ Heroa, ve-
luti pertransiens indicabo, Illustrissimum ac

Excellentissimum CASTELLANUM POLANECEN-
SEM. Ille in hostem ducere agmina, armare
hyemes, accendere aestatem, a fronte, a tergo,
a lateribus instare videtur, auditur, & glori-
ose sentitur. Putares non Vnum pugnare,
sed totam evocatis Majoribus in stipendia cū
Nepote suo decertare Familiam. Erigam ad-
huc, supra, insis unionibus, cariores Lapides;
encomia. Effingunt Illi duros adamante He-
roes, ornant & Insulas; quales uno Capite
Illustrissimi & Reverendissimi Bokum Episco-
pi Premysliensis, Nominati Cracoviensis, Ma-
gni in Ecclesia DEI & Republica Principis,
eninent. Hoc tu Sangvine, hoc Iudicio beatus,
quod orbis in aestimatione reposuit. Illud &
intima Pontificum admisit Aula, & non tan-
tum Patrijs venerabilem titulis Roma dimi-
sit, verum & de suo censu liberalitateq; ad-
didit, quo manifestius, in Polonia extero-
rum Iudicia de Se circumferret. Illud Gal-
liae Rex Maximus, tam gratiosè aspexit, ut
à tot rerum ingenti serie evocatus, non da-
mnaret oculum, quod huc respiceret. Theo-
loga insedit Caput Istud scientia, probatissi-
ma: quia plusquam ad Lydios, Gentilitios
inquam Lapides, acutioremq; mentem Doctis-
simi Praesulis examinata. Totius Ille Euro-
pae, Nationum, Gentiumq; mores idiomaticq;

*amplexus, omnium linguis oreq; prædicari
meretur. Tempus erit cum votis expetitus
hunc Vavellum, quo Tu emines, Eminentior,
Insulisq; velatus subintrabit: tunc, modo in
Nomina Tua exaggeranda invitatus, per u-
tramq; scriptorum paginam, Antistes nomi-
nabitur. Qui Illustrissimarum Gentium Ti-
tuli, ambitioso gressu, hoc Nomen subseque-
rentur! At deducti per tot Lumina, oratoris
oculi, prope everberati, ceu de solis Regia,
purpureo igne, adoratis tantum Magnis He-
roibus, & non nominatis succumbunt. Pla-
cet fortunam reverens situs; quare composi-
to in magni Nominis cultum stylo & ore,
hoc inter mea desideria volvo revolveq;, ut
Tibi majoribus illato Culminibus, minores
Tituli discant succumbere. Ita precatur.*

ILLVSTRISSIMÆ & REVEREN-
DISSIMÆ DOMINATIONI
V E S T R Æ.

Humillimus & Obsequentissimus
Servus

IOANNES RAPHAEL CZARNAWSKI
Secundæ Laureæ Candidatus,

BEATO IOANNI
CANTIO,
REGNI POLONIÆ,
& Almæ Academiæ Cracoviensis,
PRÆSENTISSIMO TVTELARI.

Sacræq; Theologiæ Doctori ac Professori.

Vt sua desideria coronet & redimiat.

O D E

DEscende cælo, vade per æthera,
Multamq; partem pertrahe siderum,
Huc cinctus astris, huc coruscis
Scande Pater trabeate flammis.

Te vota nostri pectoris, & sacræ
Laurus anhelant, huc age candidos
Currus; & appensos retarda
Orbe super. Cracio jugales.
Soles vocatus currere, vix modò
Se vota adornant, Tu celer occupas
Tardata, præsentì juvasque
Auxilio, medicamque sæpè
Opem jacenti porrigis. ô Manus!
Quàm magna mundo præstiteris, Tua
Pallente vultu iussa captat,
Et tremulo Radamanthus armo,
De puppe tristi littus in alterum
Manes relatos, reddere lumini
Nobisque debet, bile motum
O quoties vacuâ redire,

A

Vrnâ

Vrñâ inferorum iudicium Deûm,
A fauce in arcem debuit igneam!
Hæc fila quæ rupit protervè,
Heu quoties geminanda sumpfit
Irata Clotho! si lacrymas malis
Audis gementes, gaudia præparas;
Si damna funestas vicesque
Damna bonis cumulata reddis,
Vicesque mutas. Iam refluat cavo
De vase nectar, cûi miseræ dolor
Inerret ancillæ, bibatque
Terra novos sitibunda potus.
Contusa vasis fragmina in amphoram,
Vndæ fluentes cæruleo super
Nitore, gustu absque in colorem
In sapidos regerentur haustus.,
Sic vota mulces, gaudia sic suis
Votis rependis, jam celeres age
Visus, & à nobis remotos
Huc oculos Pater Alme flectas.
Huc verte vultum! quô recreas Polos,
Quô nostra spectans climata sospitas,
Quô Numen alterno & stupentem
Teque soles recreare visu.
Quodsi benignô prospicies polô
Ad nostra Fautor Dive negotia,
Parata jam nostris Corymbis
Auspicio meliore vota
Spectabit Orbis. Nil timidæ vices
Sortis valebunt, nulla pericula
Fortuna vibrabit, nec altâ
Sulphureus cadet ignis arce.
Hâc fronde cincti fulmina temnimus,
Si Tu favores jungis amabiles,
Iam fata, jam sortis procellas
Te Duce vincimus & Patrono.

EVCHARISTICON

Magnifico Perillustri & Reverendis: Dño

**D. M. PETRO
PRACZLEWIC**

Sacræ Th: Doctori & Professori, Canonico
Cathedrali Cracoviensi, Ecclesiarum Collegiatarum SS. Omni-
um Crac: Præposito, Pilecensis Decano, Contubernij
Hierosolymitani Provisori, Almæ Vniversitatis Cracov:

Generali & Vigilantissimo **RECTORI.**

*Pro Collata sibi Magisterij in Artibus Liberalibus & in Philo-
sophia, Doctoratûs, Licentia:*

D I C A T V M.

ANxia Castalijs fulgent jam vota coronis
Magne Pater: qui sceptrâ regis, cætusque gubernas
Doctiloquos: Tu laurigeris nova tempora fertis
Exornas, Tu post meritas das præmia curas,
Sudoresque Sacræ detergis munere lauri.
Hactenus hæc intacta stetit, multumque dolebat
Non denudatâ folijs se fronde videre,
Et lustro nutritæ comas, & cernere lustro
Quod suus ardentes in se mutasset amores
Aonii montis custos, & Rector Apollo.
Sed DEUS internos sensit sub fronde dolores,
Nè Daphne doleat, rursusque sub arbore pænam
Agnoscat, Te Musarum moderator & Almi
Dux cætus, adiit, talesq; à pectore Divo
Effudit voces. Rector mea cura Minervæ,
Lechiadum sublime decus, trinæque coronæ
Nunc ortum lumen, trabæ lux unica binæ;
Sceptrâ geris laurosque tenes. Sic præmia dextrâ
Hæc tribuis, quâ Regalem sub lege Minervam
Compescis placidè, Patrio nutuque gubernas.
Pande sinus, dextramque Tuo cum munere tolle;
Stat conscripta cohors, doctisque exercita curis
Expectat virides dignâ jam fronte coronas;
Pande sinus, Tibi cum censu fortuna laborat
Inclinatque caput, flexâ & cervice merentem

Tollit in Istuleum fastu meliore Vavellum;
 Pande sinus, laxaque togam cultusque sub ostro
 Ardentes, extende manus & carpe virentes
 Fronde mea crines, permittas tempora cingi,
 Tuque coronatas facias hoc munere mentes.
 Si furor armatus necit post bella coronas
 Hac de fronde sibi? vestrum decus, arma, Gradium,
 Ornabit? quorum verò est ad præmia nullus
 Vtus erit lauri? mihi consecratur amoris
 Conscia Divini, hanc studiis servire cõegi
 Non Marti; unde comas carpat qui doctus habetur
 Efflagitat; qui colle cupit nostroque morari.
 Stat densus vertex, sese sub sidera volvit:
 Sat longas dispersa arbor descendit in ymbras.
 Quâ modo parte velis crines decerpere frondi;
 Carpe, Tibi pronæ sternunt se ad iussa Corymbi
 Felices hâc strage sui. Si vertice pones
 Qui curat laurum doctâ mercede pacisci,
 Altior hæc pino Sylvaque videbitur omni,
 Carpero sed noli permissa licentia per Te
 Alterius curæ poterit, dare præmia fronti,
 Susceptosque sacra lauro decorare labores.
 Sic suasit cecinitque suis pro frondibus Augur
 Post Daphnem mutatam frondis amator Apollo.
 Nos Tibi pro tantis Rector dignissime curis
 Sacramus pronos nostro sub pectore census;
 Hanc laurum quoscunque caput portabit ad usus;
 Illa Tibi, semperque ad iussa Paterna virebit.
 Hic liber in nostras veniet qui traditus ulnas,
 Te nobis scribendum imponet Teque legendum,
 Ille Tuos nifus doctosque adferre labores
 Gestiet, ut lagellonias ornare Camænas
 Suevisti ut vicibus nostri succurrere rerum,
 Et tristem luctu Patriæ recreare Minervam-
 Annulus in dextra tandem ponendus, honora
 Sæcula devolvat, gyrum quoque temporis, Orbe
 Inde suo augebit, longos ut vita per annos
 Currat, & in seros volet annorum orbita soles.
 Vive diu, centumque alias sere vertice laurus;
 Nos primi sub Te facunda ad signa vocati,
 Imus Palladias signis augere catervas;
 Duc precor & nostris faveas Dux Maxime votis.

Peril.

Perillustri & Reverendissimo Domino,
D. M. SEBASTIANO
PISKORSKI,

I. V. Doctori & Profestori, Ecclesiarum Ca-
thedralis Cracoviensis Canonico, Collegiatarum SS. Omni-
um Cracov: Archidiacono, Vielunen: Canonico, Almæ
Vniversitatis Cracovien: Procancellario Meritissimo.

Quod desideria erudita Palladis votis laureisq; admoverit.

CARMEN VOTIVVM.

HVc ferat omnigenum promptissima gratia pensum,
De cornu spargantur opes, gemmæque placentes
Humanæ sorti, niveo candore rotentur.
Est magno Patri census solvendus amoris.
Quodsi Persarum gazas, & barbara densis
Cum spolijs, quæ Roma tulit, donaria portes,
Vel rapias rubris mundi solatia Lymphis.
Erue Marmaricis & splendida dona cavernis,
Nunquam terrarum censu ditabere tantò,
Quæ radiant templis, insunt quæ numera libris,
Quæque istis & se jactant intexta coronis.
Sed Pater absolves dites à munere curas.
Eruimus non caute aurum, non vertice gemmas
Pro lauro, capiti nostro quam imponere tandem
Permittis, sed prona Tuo sacramus amori
Pectora, jam votis excelsa studebimus omnes
Obtestari astra, vt serus mittaris Olympo,
Texte prius meditata Tuis molimina curis,
Nec cesses similes unquam diducere nifus.
Quidquid enim attollis nova das miracula mundo,
Quæque dabis miranda, iterum mirabitur Orbis.
Cum libris animam mentemque infundere gestis,
Nullus apex hæret, qui Te non tollat in altum
Qui Tibi prolixum non pingat & Orbis amorem.
Vivit in expressis vultu Salomæa figuris,
Et crescit crescente typo, quod gesserat olim,
Vsque gerit. modò se iuvenem colludere spectat,

B

Et

Et modò Regalès sumit trabeas, modò summo
Vertice gemmatam ponit Regina coronam;
Iam paulò vultus alios Vestalis adumbrat,
Nec iam Regali se spectat imagine; sceptrà
Sub pedibus reptant plantas fortunaque lambit
Ambitiosa suis quæ nuper tempora fertis
Præcinxit, quæ pressa manu Regale tumebat,
Iam pede conculcata iacet, sic ludit imago,
Vt fœvit vanam Salomæa eludere sortem.
Vidimus è sylvis medijs & rupe peresa,
Integros venisse Patres, venerandaque membra,
Pendentisque genas à maiestate senili,
His studiis, iterum nostra ac invisere sæcla.
Thebaidos nemus ac nigrantis lustra Canopi,
Obliqui spectatores excussimus arcti.
Quæ Divis fuerint scimus & iura, quis ordo
Cum luctarentur circo virtutis in arcto;
Miramur legimusque & Divis oscula chartis
Inferimus. durantia post scripta altius ivit
Conatus, stetit usque suis exhausta medullis
Terra Parens; & quæ medijs servaverat ulnis
Marmora, denudasse novas debebat in ædes.
Iam surgunt cælum, tangentia templa, domusque,
Et turres alto fugiunt ad sidera fastu.
Nil hîc ars humilis sparsit, collecta decorum
Se series spectanda offert, sive artis honoræ
Cernis opus, sive ingenii, certavit utrumque,
Nec natura pares Cilicium sub vere colores
Pingit, nec Floræ sacris suspendit in hortis,
Hîc ars naturæ, vicit miracula, partim
Correxit, partimque novas immiscuit umbras.
Heu quæ se instaurant famæ monumenta futuræ!
Pro gestis factisque hæc tantùm vota supersunt:
O superi hoc pignus terris servate benigni!
Quæ finit, finita locet, quæ cepit in ortu,
Non linquat. nilus non impia fata morentur,
Sed faciles referent maiora ad facta paratus!
Iam licet emeritum rapuit nox invida lumen,
Quòd si Parca manus vitæ non inserit, ingens
Est ordo rerum quem in Te spectare meretur.

Clarif.

*Clarissimis, Excellentissimis & Admodum
Reverendis Dominis*

DD. EXAMINATORIBVS,

Clarissimo & Admodum Reverendo Domino

D. M. MATTHIÆ IAGIELSKI,

Philosophiæ Doct: Regio Professori, Collegæ Majori, Eccle-
siarum, Collegiatæ S. Annæ Crac: Canonico, in Cerekiew
Curato, ac interea Artisticæ facultatis DECANO.

Clarissimo & Admodum Reverendo Domino,

D. M. MARTINO BIELECKI,

Sacræ Theologiæ Baccalaureo, Collegæ Majori, Ecclesia-
rum Collegiatæ S. Annæ Cracov: Scholastico,
in Xiażnice Curato.

Clarissimo & Admodum Reverendo Domino,

D. M. SAMVELI PODGVRSKI,

Philosophiæ Doctori, Regio Professori, Collegæ Majori, Ec-
clesiarum Collegiatæ S. Annæ Cracov: Canonico, Cu-
rato in Ośiek, S. R. M. S. Notario Apostolico.

Pro fuscepto labore circa probandā Indolē uni-
uscujusq; circaq; desideria ad capeffēdas laureas

GRATITVDO LYRICA.

Laudum silentes sume lubentius
Apollo Nervos? fixa sub arido
Testudo in unco, iam nec uno
Pulvere deperitura pendet.
Silesnē docti carminis Entheo
Instante? nec tristem excuties Chelym?
Huc ferte nervos, plectra, sistrum,
Ut cecinit lyra tacta, dudum est.
Tempus tacentem pollice fervido,
Ad iura vocis cogere barbitum,
Ter tacta, ter correctā buxus
Incipiat resonare facta,

B2

Trium

Trium Virorum. Mæzonium fave
 Melos, stat ingens ordo laboribus
 Factisque nexus, quem sonora
 Hic iuvat accumulare laude:
 Primus DECANI murice splendidus
 Venit IAGIELSKI, cui trabeæ nitor
 Insertus, illustres reposcit
 Cum titulis sociare soles:
 Quò tantum acuti vis genij ruit,
 Retert triumphos, scandere si placet
 In rostra Templorum DEUMQUE,
 Crescit honor, rutilatque plausu
 Nomen secundo. Gratus est Tuo
 Nil ore. Magni voluere pondera,
 Sermonis es doctus, sacrumque,
 Eloquium gravitate nostri
 Ornare pulchra, jam Cracij stupent
 Hoc os Penates, Gnesna tenacibus
 Servat medullis, in sinuque
 Verba Tui numerat laboris.
 Iunxere tantis dotibus intimos
 Arcana sensus, quæ sophicis litas
 Curis Professor, parte census
 Stant alia radijsque gesta
 Stipant honores. Parte sed altera
 Surgit BIELECKI, suadæ honor inclytus,
 Quem Flora distinguit venustè,
 Et variat proba verba gemmis.
 Sublime rerum se cumulat genus
 Per dicta. Reges Hic toties suo
 Laudare permissus cothurno,
 Non humili ruit ore, Regum
 Sed culmen æquò vel tetigit sonò,
 Vel major ipsis & solijs igit,
 Ultra coronas sceptraque ultra
 Grandiloquâ stetit Ille pennâ.
 Quot verba fudit, tot radios stylo
 Inspergit, aurum non Lybica later
 Sic rupe, cœu sensu profundo
 Hic pretium later omne in isto:
 Regina Cæli Diva scientia
 Avellit Illum à munere Tullij,
 Hoc ore laudari hocque sensus
 Caligeros cupit in reclinem.

Vibrare terram. Vertit & in Tuos
 Plectrum paratus o SAMVEL, Tibi
 Lulisse promptus qui camænæ
 Fatidicâ caluisse flammâ,
 Et fonte doctam Mæonio sitim
 Potasse ferris. Si Lechico sacras
 Nuptasque tadas, si Quirinô
 Facta Ducum celebrare metrô,
 Vates rotâsti pectore, carmina
 Ivêre vasta non sinè gloria,
 Musisque, Musarum & iuventæ,
 Et pueris geminanda restant.
 Infers arenis doctiloquus pedem?
 Fervent præfundi iurgia consiliâ,
 Trophæa iam linguæ togatæ
 Stant mediis redimita palmis.
 Te rostra sacri culminis efferunt,
 Te scripta cultis elogiis palàm
 Famæ susurrant concinendum,
 Te his poteris celebrare rectè;
 Ignosce Musis. O Sacra Nomina
 O fulcra rebus Palladiis data,
 Quâ fronde lauri, quâ Corymbi
 Cingitis emeritos labores?
 Hæc prona vestris nominibus iacit
 Florens cacumen, nectit & herbidos
 Cultus, & excelsum decorem
 Obsequiis stimolata ponit.
 Tempus sed orsos ponere barbiti
 Cantus, quiescat lassæ sono Chelys,
 Sat magna tentavit, remissis
 Iam maneat tacitura filis!



DESIDERIA
 Eruditæ Palladis,
 In VV. Viris Secundæ Laureæ Candidatis
 EXPRESSA.

I. V. D. STANISLAUS FRANCISCUS
 BROSZKOWSKI

*Stemma
 nullâ, sed meri-
 possidet
 cum Lemmate.*



*Acervum Cerere
 tis refertum*

Implebit honor.

Non Tibi Broszkowski stat messe refertus ACERVUS,
 Ast implent vacuum munera docta locum,
 Nulla Ceres nec Flora tulit collecta maniplos,
 Contulit ast lauros Diva Minerva suas;
 Et parat illustres honor huc conferre decores,
 Dicite? nonne satis plenus Acervus erit.

II. V. D. IOANNES CASIMIRVS IODŁOWSKI

*Soleam Sagittâ
 directâ, Avitum
 cum Lemmate*



*transfixâ sursumq;
 stemma recenset.*

Tutior alta premet.

Curre

Curre viam Iodłowski Te cincture Corymbis,
 Hoc Superare potes nam soleatus, itero
 Tupoteris Findi poteris fastigia Tullî
 Tangere, quod possis, prompta Sagitta facit,
 Nec solùm docti montis juga sacra capeffes,
 Pressuro alta Tibi culmina fernet honor.

III. V. D. ANDREAS IARONSKI

*Insigne
 Sagittis arma-
 tum Lemmate*




*Lilium, binis desuper
 tum, retinet.
 Vis ornata.*

Lilia vernanti quæ se candore repandunt,
 IARONSKI cupiunt cingere flore caput-
 Hoc genij cultus hoc facunda ora merentur,
 Hoc vertex meritis poscit habere suis-
 Si quis adhuc cultæ non spectat mentis acumen,
 Illud summa petens bina sagitta notat.

IV. V. D. MATTHIAS ZIETKIEWICZ Leop:

*Stemma Gentilitium
 Lauream, annu-
 supra verticem,
 pro decore usur-
 cum inscriptione*



*Leonem, coronam
 lumq, tenentem,
 Stellam lucentem,
 pat.*

*Ardentes animos ca-
 lum terraq, coronat*

Cerne LEONINAS irato pectore flammæ
 Et videas fronti, lumen adesse feræ.
 Ingeniô similes ignes, doctasque Minervæ
 In ZIETKIEWICJ pectore crede faces.
 Inde polus laurusque sibi devincit amore
 Annulus & gemmis hoc caput atque manus,

V. V. D. VALENTINVS TVSZOWSKI,

*Stemma
Symbolum Hic
cum Lemmate;*



*Pelicanum, amoris
appendit,
Amat ut ametur.*

POscit amor quali se posset imagine verum
Cernere, sed pingit Te PELICANE sibi.
Iam volucris, rari vim propter amoris, amatur,
Iam Regum digna est pectore digna DEUM.
Te Te Tuszowski certi amplectentur amores,
Post volucrem ipse pio dignus amore coli.

VI. V. D. FRANCISCVS KALEWSKI,

*Insigne, Turrim,
bina Sceptra exeu-
virtutis sua erigit,
cum Inscriptione:*



*(in cuius aditu
bant) ornamento*

*Sola huc fortuna
subintret.*

SI Dea victrices Pallas disponit arenas,
Gaudet Doctorum, & bella ciere Virum?
Hæc TURRIS doctæ fiet tutela Minervæ,
Otia, nec ponet segnitiesque gradum.
Pellent SCEPTRA nefas terrarum sola KALEVI
Vt pateant titulis limina, pande fores.

VII. V. D. GREGORIUS STANISLAUS
BARSZCZEWIC,

*Stemma, Crucem
ronatam, gladio,
tanquam de celo
tem ostendit.
cum Lemmate.*



*Annulo de super co
laureaq, triumphali
imminentibus, fulgen*

*Et quò se ornet habet
quò tueatur habet:*

Victores tituli & fulgenria signa triumphis
Doctrinæ cedant Stanisilae Tux.

Hic Gladius, Crux hîc, volvit se hîc Annulus orbe,
Quæ super à Cælo laurea docta viret.

Iam BARSZCZEWICIO præsens fortuna labore
Hanc quo stringat habet, quo tueatur habet.

VIII. V. D. CASIMIRVS RELEZYNSKI.

*Stemma, Obeliscum,
Sagittâ, cum Annulo
insidet,
cum Lemmate*



*cui Avis transfixa
è rostro eminente,
erigit.*

Nil humile.

STat solidè, lambitque & vertice summa COLLOSSUS
Hanc super, alta Ales pectore tela gerit.

Annulus extremo se vibrat ab Alitis ore,

Non humiles talis pingit imago notas!

Videris in RELEZYNSKI si munera mentis,

Nil humile & reptans, omnia culmen habent.

IX. V. D. CASIMIRVS SIENKIEWICZ,

*Insigne Gentilitium
tutis sua & gentilitia,
ditione incrementa,
gittis transfixum,
cum Inscriptione:*



*In ornamentum vir-
laudis: maiora ex eru
Cygnum tribus Sa-
ponit.*

*Ferent Te ad sde-
ra Cygni.*

Est moriens, vivit CYGNUS, sunt pectore tela,
Tela tamen Cygno nulla nocere valent.
Dicere iam possum fixus quod vulnere, dulcem
Iam Pæana suus promere discit Olor.
Hoc SIENKIEWICJ Carmen virtutibus ille
Pandit. Te referam in sidera, Teque canam.

X. V. D. IOSEPHVS WENTOWICZ,

*Stemma:
nificientia benefici
Lilium, stellamq;
cum Lemmate*



*Supra Petram, mu-
isq; gratificaturus,
serit & accendit.*

*Altius & virtus &
Cynosura faveat.*

Vertice se Rupes tollit, sed pulchrior illo
Flos est, excelsus quo redimitur apex.
Sidera collucet, panditque & STELLA favores,
Sceptrigerique faveat mens peracuta Iovis.
Claros WENTOWICZ resplendentesque doctores
Speres, sic spondent Lilia sicque Polus.

XI. V. D. MARTINVS METECKI,

*Stemma,
folijs, & colore, à
ducto, conspicuam
cum Lemmate:*



*Rosam explicatam
dotibus eruditioneq;
exponit.*

*Dabit virtusq; for-
tuna colorem*

Est bene? quod virtus Roseos Tibi lêgit honores.
His & METECKI Te redimire cupit.

Aptè quàm lûsit! mores studiumque Rosarum,
Et vultus, in Te composuere decus.
Flores mente genisque simul, quis symbola tanta
Ferre neget? quænam premere Flora Rosas.

XII. V. D. ANDREAS PALIKOWSKI,

*Insigne,
lax locatam, fato-
opportunam, tenet.
cum Inscriptione:*



*Anchoram inter stel-
lum tempestatibus*

Tutus eris.

Si Fortuna suas trader mansueta carinas,
Et sinet in longo pandere uela mari;
Nè timeas PALIKOWI Te credere ventis,
Et non horrescas ut Palinurus aquas.
Neptunum ut vineas præsens est Anchora, præsens;
Quæ præbet flammæ & Cynosura micat.

XIII. V. D. STANISLAUS MOTTELOWSKI, Vstien:

*Stemma, Liliū
altera Crucem
gerit.*

cum Lemmate:



*una à parte,
virtutis suæ decus*

*sibi iungit tutela
decus.*

ORNant Te Vstensis Papenkovique decores,
Dantque simul proprium Lilia juncta decus.
Egregios cultus mentemque ex indole tractam,
Attollunt Divæ sacra trophæa Crucis.
Maçte animis & altos & perge capeßere nisus,
Te dotes sursum, Te jubet ire favor.

XIV. V. D. ANDREAS BARANKIEWICZ, Crac:

*Stemma Lunam
micantem, suæ
cum Lemmate.*



*inter duas Stellæ
eruditioni accendit.*

*Statio hic est nulla
tenebris.*

LUMen LATONÆ medijs in cornibus Astrum
Stringit, & alternum sidera, sidus habent,
Panè huc confluit cælum, quod nocte videtur,
Sed nocte hæc non est clarior ulla dies.
Resplendent, BARANKOVij dotesque laborque,
Sic nocturna suas non habet umbra vices.

XV. V. D. ANDREAS TVCY Crac:

*Insignie Avitum,
Stellis stipata,
cum Inscriptione.*



*Lilia terna, septem
gerit:*

Stat cum luce decus.

ORdine stat Chloris, nitidi stant Lilia vultus,
Lucent quâque solet gemma nitere nive.
Forsan ut albentes spectarent Astra colores,
Huc abduxerunt sidera multa polo.
Spectent Astra illos, virtus sed Tuccia, circum
Astra tenet, circum Lilia trina tenet.

XVI. V. D. IOANNES WVIOWSKI,

*Stemma:
Cum, erigit:
cum Lemmate:*



Ensem botris abdu-

*Nulla sine est victor-
ria censu.*

BRomius excisus Patris de vulnere, Solem
Vidit & occlusas extulit ille manus;
Sic amat & Gladium Numen, quo vindice natum,
Hunc medio ut Patrem stringit ad usque sinu.
Nosce Tuas dotes Wuiowi nosce labores,
Illos nam laurus doctaque Pallas amat.

XVII. V. D. MELCHIOR KICINSKI,

*Stemma,
tenentem repræ-
sentat:
cum Lemmate:*



*Manum cristam
sentat.
Ornamenta labore
Obveniunt.*

HÆc Manus erectas iactat sub Sidera Cristas,
Armata est fortis signa laboris habet.
Hæc poterit non tantum stringere Syrma coruscum,
Sed falces superum signa rotare DEUM.
Admittat laurum Kicinski, & vertice ponat:
Syrma manum ornabit, laurea docta caput.

XVIII. V. D. GEORGIUS KOSTIOWSKI,

*Insigne Gentilitium:
medio cuius Sa-
nua sideris,
cum inscriptione:*




*Semilunam habet in
gitta ponitur, Cor-
stella accendunt,
Omni ex parte coru-
scent*

REgales fasces, STELLÆ, LUCINA, SAGITTÆ,
Concurrunt unò munera tanta loco.
Kostovij ingenium sic præmia multa meretur,
Et densa laudum dotē nitere cupit.
Vt sunt illustres dotes, sic LUNA coruscat,
Vt summæ sunt sic seque SAGITTA vibrat.

XXII. V. D. VENCESLAVS PANISZEWIC

*Insigne:
lum tenente, et
cum Lemmate:*



*Soleam, alite annu-
Cruce impletam gerit,
Summis incumbere natus*

SI tellure pedem pones si summa tenebis
Nè timeas, Solea est, est Volucrisq; Tibi,
Tutamen CRUX sacra micat, dependet ab ore
Annulus, ut signet tutus honoris Opes.
PANISIUM fortuna tenet, Volucrisq; laborat
Ferre supra, ut Solea in culmina ducat adest.

XXIII. V. D. STANISLAVS CIOTVSKI.

*Stemma Avitum
gne post diluvium,
habet.*

cum Lemmate:



*Clavim, primum infi-
quia Noe usurpatum,*

Cuncta patebunt.

QVòd patuere Tibi reaserati limina Templi,
Cendit ubi sophicas Pallas; alacris opes,
Præstitit id CLAVIS Patrijs circumlita Ceris,
Fortunæ ad largas mox præitura fores;
Ciotuski molire vias, gressusque capeffe;
Claudi non poterit, quisque patebit honor.

XXIV. V. D. SIMON ANTONIVS
IEDRYCHOWSKI,

*Stemma
tribus Rosis ex se
dum locat.*



cum Lemmate,

*Cor sagitta transfixum
pullulantibus flori-*

*Poterit marcescere
nunquam.*

Non steriles animos virtus gerit: illa repandit
Fructus & medio crescere Corde jubet.
Fixa licet rubeant immisso vulnera telo.
Illos stillanti sanguine vulnus alit.
Iam IEDRYCHOWSKI primo vivente decorus
Deposcet semper munera viva sibi.

XXV. V. D. IOANNES GALCZYNSKI,

*Insigne
de suo continentem,
Bireto Doctorali
cum inscriptione*



*Annulum palmas or
intra, librum cum
ostendit.*

Desponsata vigeant

Doctis GALCZYNSKI postquam se addixit arenis
Laurum vernantem, poscit habere Librum
Nil poterat melius docto florere Lycæo
Quàm Mitræ, Lauri, quàmque nitere Liber,
Hos stabiles posset tandem ut retinere decores
Annulus, & splendens Gemma ligare student.

XXVI. V. D. MARTINVS SZVMLINSKI,

*Stemma
sagittâ prodeunte
nus in calum
cum Lemmate:*



*Medium Anulum
erectum supra manibus
versas tenet:
Ad alta feruntur.*

A Nnulus alternum fulget dissectus in orbem,
Pro lapide in calum ferrea tela volent,
Tam se summa levant! sed telis altius ipsis
Attrahit in palmas sidera, bina manus,
SZVMLINSKI meritis clarus factisq; venustus,
Hac poterit tolli culmina in alta manu.

XXVII. V. D. HYACINTHVS GRYPECKI,

*Stemma
in excubias
cum Lemmate*



*Gryphem aureo mon-
datam, ponit.*

*Excubijs pretiosa
vigent.*

G Ryphs lapides gemmasq; satum custodit & aurum
Quod condit Lybici viscere Pluto jugi:
GRYPECKI pretijs docto quæ pectore levas,
Est data tutelæ fida satellites avis
Nec tantum fortis dextram propellet avaram
Culminibus meritum prompta ministra feret.

XXVIII. V. D. IACOBVS SCIGALSKI,



Insigne:
git, e cuius ambitu
cum Inscriptiōne:

Coronam auream eri-
Lilia prorumpunt
Dona laboris honor.

QVæ posuit gemmis fulgentes Iuno Coronas,
Candida quæ in medium Lilia Flora tulit:
His decus annectit Pallas nam ferta reponit,
Quæ Musæ, quæque nectit Apollo Deus.
Tot superum collecta SCIGALSKI dona sequuntur
His comes addetur mox secuturus honor.

XX. V. D. IOANNI RAPHAELI
CZARNAWSKI,

Secundæ Laureæ Candidato

Authori Operis,

Stemma Rosam tribus ferramentis aratri armatam
V. D. IOANNES CASIMIRVS IODŁOWSKI
ejusdem Laureæ Candidatus
nectit.



cum Lemmate:

Cultura ingenij

PVLchra Tuos CZARNAWSKI apparet cura labores
Quod tenet, id signant tela globata Rosis
Et taciunt manifesta fidem data carmina, quanta
Cusarum vigeant pectora plena vice,

Excole suscepto mentis modò munera nisu
In Te honor & Pallas florida ferta ferent:

Eidem Authori Operis,
V. D. MARTINVS METECKI,
eiusdem Laureæ Candidatus
Oden Pœticiis laboribus gratificantem.
OFFERT,

A Pollo laudes nectat amabiles,
Et Musa longo carmine Numini
Applaudat, & nervis & apto
Ore juvet geminare cantus.
Appensa nostris metra laboribus,
Et nexa culto pollice laurea,
Hinc inde Phæbeæ requirunt
Symbola conlociata frondi.
Vt Te sonoris & Cytharis canat
Laus, ut refuso murmure præferat
Te fama CZARNAWSKI disertè
Orbe Tuas positura laudes.
Dici mereris? sic probitas jubet
Sic docta suadæ gratia, quâ sacras
Implèsse laudaris Cathedras
Et genio recreâsse densam
Es visus aurem. Nil humilîs Tuo
Ex ore fufum est, grandia dulcior
Suada elaboravit, vigetque
Diva Tuâ CATHARINA voce.
Et pugnam Amazon Cæsare cum fero
Init, Tu adurges prælia, Tu rotam
Plenam cruentis & triumphis
Ore rosas, niveique potas
Fluenta colli. Volvat amabiles
Iam Musa voces, nectat Apollinis
Iam dextra lauros, digna culto hæc
Tempora sunt varianda ferto.

Permissu
**MAGNIFICI DOMINI
RECTORIS.**

Biblioteka Jagiellońska



stdr00222264

